

ապ նորա զայն Պատա Մինաս : Թող զսովորական տուրա , զոր սղահանջեն առ յամէ . ջուխայ , մամ , և զայլ իրս , եւ այնպէս ոչ կարէին զերծանիլ միարանք 'ի նախատանաց և 'ի գանից , և 'ի վերայ նոցա յաւելին զայս եւս : Յետ այնորիկ ետ գրեւ Յովհաննէս վարդապետ զայս ամենայն անցս դատաւորին , և զրեաց եւս ինքն առ Սահակ Պատրիարք եւ առաքեաց 'ի Կոստանդինուպօլիս դարմանել զիրան . գրեցին նաեւ Յոյնք և Լատինք առ իւրան , յետ պատմելոյ նոցա զայլ և այլ չարիս Սխոնցւոց , յաւելին ասել՝ թէ որպէս հանին 'ի գերեզմանէ զգի դատաւորի իւրեանց՝ և ընկեցին 'ի բաց , և ապա խնդրեցին հանել զայլազգիան 'ի Սխոնէ՝ և հրամանաւ Արքայի առաքել զնոսա 'ի Գաղա , և 'ի տեղիս նոցա ընակեցուցանել զԵֆէսիչէրիս , 1110 (1703) :

Իսկ Մինաս վարդապետ տեսեալ թէ դժուարին է այնուհետեւ կալ մնալ 'ի վանս Ս . Յակոբայ , և խաղաղ կեանս վարել յերեսաց ոսխաց իւրոց , յուղի անկեալ չոքաւ 'ի Կոստանդինուպօլիս : Եւ 'ի սմին ժամանակի , 'ի 10 Օգոստոսի , եղին թագաւոր Օսմանցիք զՍուլթան Ահմէտ 'ի տեղի Սուլթան Մուստաֆայի . բարձաւ 'ի կենաց Ֆէյզուլլահ դենպէտն , պաշտպան Աւետիք վարդապետի : Եւ Սուլթան Ահմէտ դարձաւ 'ի Կոստանդինուպօլիս Արքունեօք . և Աւետիք վարդապետ եղեալ էր յետիւզուլէ 'ի դիպահւոջ : Տեսեալ Մինաս վարդապետի զիսովորութիւն ժամանակին , մատոյց գիր աղաչանաց 'ի Դուռն , և յայտ արար թէ՝ ո՛րպէս Աւետիք վարդապետ ձեռնորու թեամբ կամարարաց իւրոց , խաբէյութեամբ յաիշտակեաց զՊատրիարքութիւն իւր , որ յառաջագոյն հաճութեամբ ազգին եւ Արքունի հրովարտակաւ ինքն էր , եւ թէ քանի՞ տուժից և փնասուց հանդիպեցաւ յերեսաց չարեաց նորին , եւ այլ սոցին նման բանք : Ապա խնդրեաց վերստին դարձուցանել ինքեան զիշխանութիւն Պատրիարքութեան և 'ի բաց բառնալ զնեղութիւնս Աւետիքեանց . զի մի սլլ եւս ձեռն մխեսցեն 'ի դործս իւր եւ չարչարեսցեն զնա : Եւ եղեւ 'ի ծանուցանելն Արքայի՝ չընորհեաց վերստին զՊատրիարքութիւնն Երուսաղէմի Մինաս վարդապետի Արքունի հրովարտակաւ , 1110 (1703) : Դարձ արար Մինաս յերուսաղէմ . գնաց ընդ նմա իբր օգ-